



Komunikadu Imprensa

22 Feveireiru 2013

Tribunál Distritál Baucau kondena pena prizaun tinan 9 fulan 6 ba arguidu kazu violasaun seksuál ho agravasaun

Iha 21 Feveireiru 2013 Tribunál Distritál Baucau lee akordaun ba kazu krime violasaun seksuál ho agravasaun. Tribunál kondena ho pena prizaun tinan 9 fulan 6 ba arguidu. Kazu ne'e rejista iha tribunál ho Númeru Prosesu: 148/Crm.C/2012/TDB.

Iha akordaun tribunál nian haktuir katak arguidu komete violasaun seksuál hasoru nia oan rasik (RL) dala rua ne'ebé akontese entre Outubro 2007 no Marsu 2008. Kazu ne'e iha Suko Cacavem, Sub-distritu Lospalos, Distritu Lautem.

Violasaun seksuál hasoru membru familia nu'udar krime ida ne'ebé sériu teb-tebes tanba sei afeita psikologikamente no sei produz trauma ba vítima durante vida tomak, tanba ne'e iha futuru JSMP rekomenda atu kondena arguidu todan liu ida ne'e, dehan Luis de Oliveira Sampaio Direitór Eksektivu JSMP.

Ministériu Públiku akuza arguidu ho artigu 173 Kódigu Penál Timor Leste konjuga ho artigu 285 Kódigu Penál Indonézia, tanba kazu ne'e akontese antes Kódigu Penál Timor Leste seidak tama vígor.

Tribunál konklui katak arguidu prova komete krime violasaun seksuál ho agravasaun kontra nia oan rasik no arguidu konfesa ba tribunál relasiona faktu ne'ebé Ministériu Públiku akuza hasoru nian.

Audiénsia ne'e prezide husi Dra. Ângela Faria Belo ne'ebé representa tribunál kolektiva, Ministériu Públiku representa husi Dr. Baltazar Ramos no arguidu akompaña husi Dr. Gil Amaral no Dr. Clarimundo Valente advogadu estajáriu hodi substitui Dr. Sergio Paulo Dias Quintas.

Atu hetan informasaun kle'an, favor kontaktu:

Luis de Oliveira Sampaio
Director ezektivu JSMP
Email: luis@jsmp.minihub.org
Landline: +670 3323883
www.jsmp.tl